

page :

M072

條目：

《首楞嚴三昧經》

內容：

《佛說首楞嚴三昧經》二卷（15） 鳩摩羅什譯

- 1、佛為堅意說首嚴三昧：1.正說。2.諸大敷座，佛遍坐其上，而各謂坐自己座。3.告業行：一切皆是真實，如來平等。4.首楞嚴三昧，以百句義說。5.住首楞嚴三昧，六波羅本事果報。6.猶如藥樹。7.念念常有六度。
- 2、告成慈梵王：欲現凡夫行，應學。告堅意：首楞嚴三昧之次第——行住可檢。  
（上·六三四上）
- 3、持須彌頂帝釋，得是三昧，現真實上妙色身。
- 4、瞿域天子說：聲聞入正位，稱歎佛道而無能為。勸發大心。為堅意說：知他得此三昧，而非自證——處在愛欲王位。不離是三昧。
- 5、如來說法處，則有無量大菩薩（現不同身）得是三昧。現意天子現三昧神力，令眾會均作不同色相。
- 6、現意天子答堅意：三昧何修？何去？如來實無生滅。
- 7、佛記現意天子。
- 8、惡魔被縛，不能擾亂。上 十二見縛。（六三七中） 魔界行不污菩薩，說無縛無脫。魔諂曲發菩提心。化男與魔眾，誘令發心。
- 9、佛說四種授記。（六三九上） 發心情形，可與必定不必定經參考。 佛界魔界不二（六三九下） 功德  
「示現一切行魔界行，而能不為魔行所汙。與諸天女現相娛樂，而實不受淫欲惡法」（下·六四〇上）
- 10、得是三昧，三千大千善現一切色身。（重要） 六殊師利問起，（一灯明世界）十方無量無邊佛土現身。
- 11、四法能信是三昧。羅漢當能信。迦葉說：雖信、雖論而不能得。
- 11、福田：十法行名福田。聲聞有菩薩處，不名福田。 多聞：聞一而解一切，隨聞而盡能持。阿難不名多聞。

- 12、二百天子菩薩欲退取辟支佛，文殊師利三百六十億世，以辟支來入滅（示現小乘）。乃決心大乘，當得菩薩十力。
- 13、名意菩薩問修行是三昧。 彌勒示現三昧。 佛說文殊師利住是三昧，曾作龍種上佛。
- 14、如來實壽七百阿僧祇劫。 書寫誦持者，得二十不可思議功德。 不畢竟滅（下·六四〇中）
- 多為天子、梵王說。 阿閼佛國（上·六三六下） 示現凡夫行——欲行、魔行、小乘行而安住大乘。
- 大菩薩之方便示現。與佛之方便相啣接。 文殊師利
- 信行，法行，八人，須陀洹……阿羅漢（下·六四二下） 九大阿羅漢（下·六四三下）

出處：

1、佛為堅意說首嚴三昧：1.正說。2.諸大敷座，佛遍坐其上，而各調坐自己座。3.告業行：一切皆是真實，如來平等。4.首楞嚴三昧，以百句義說。5.住首楞嚴三昧，六波羅本事果報。6.猶如藥樹。7.念念常有六度。

※參見《佛說首楞嚴三昧經》卷 1(CBETA, T15, no. 642, p. 629, c10-p. 633, c11)。

2、告成慈梵王：欲現凡夫行，應學。

告堅意：首楞嚴三昧之次第——行住可檢。(上·六三四上)

※參見《佛說首楞嚴三昧經》卷 1 (CBETA, T15, no. 642, p. 633, c11-p. 634, a14)。

3、持須彌頂帝釋，得是三昧，現真實上妙色身。

※參見《佛說首楞嚴三昧經》卷 1 (CBETA, T15, no. 642, p. 634, b24-p. 635, a2)。

4、瞿域天子說：聲聞入正位，稱歎佛道而無能為。勸發大心。

※參見《佛說首楞嚴三昧經》卷 1 (CBETA, T15, no. 642, p. 634, c21-p. 635, a2)

於時瞿域天子語釋提桓因言：「諸聲聞人已入法位，雖復稱歎愛樂佛道無能為也，已於生死作障隔故。若人已發阿耨多羅三藐三菩提心者，今發當發，是人則應愛樂佛道，能得如是上妙色身。譬如有人從生而盲，雖復稱歎愛樂日月，然其不蒙日月光明。如是聲聞入法位者，雖復稱歎愛樂佛法，而佛功德於身無益。是故若欲得此妙身大智慧者，當發無上佛菩提心，便得如是上妙色身。」

瞿域天子說是語時，萬二千天子發阿耨多羅三藐三菩提心。」

為堅意說：知他得此三昧，而非自證——處在愛欲王位。不離是三昧。

※參見《佛說首楞嚴三昧經》卷 1 (CBETA, T15, no. 642, p. 635, a16-b7)

堅意菩薩問瞿域言：「汝於首楞嚴三昧，知少分耶！」

答言：「善男子！**我知他得，身自不證**。我念過世釋迦牟尼佛，在淨飯王家為菩薩時，於宮殿內眾采女中夜半清淨。爾時東方恒河沙等諸梵王來，有問菩薩乘者、有問聲聞道者，菩薩各隨所問而答。於梵眾中有一梵王，不解菩薩所行方便，而作是言：『仁者乃有如是智慧善答所問，云何貪愛王位色欲？』餘諸梵王了知菩薩智慧方便，語此梵王：『菩薩不貪王位色欲，將為教化成就眾生，處在居家現為菩薩，而今他方成就佛道轉妙法輪。』是梵王聞已而作是言：『得何三昧能作如是自在神變？』餘梵王謂言：『是首楞嚴三昧勢力。』善男子！我於爾時而作是念：『菩薩住三昧，神力感應至未曾有，處在愛欲領理國事，而能**不離如是三昧**。』我聞此已倍加恭敬，於菩薩所生世尊想，深發阿耨多羅三藐三菩提心，願於來世亦當成就如是功德。善男子！我所見者如是少分，我唯知此首楞嚴三昧，當有無量不可思議功德勢力。」

5、如來說法處，則有無量大菩薩（現不同身）得是三昧。現意天子現三昧神力，令眾會均作不同色相。

※參見《佛說首楞嚴三昧經》卷 1 (CBETA, T15, no. 642, p. 635, b12-c24)。

6、現意天子答堅意：三昧何修？何去？如來實無生滅。

※參見《佛說首楞嚴三昧經》卷 1 (CBETA, T15, no. 642, p. 636, a19-b26)。

7、佛記現意天子。

※參見《佛說首楞嚴三昧經》卷 1 (CBETA, T15, no. 642, p. 637, a3-24)。

8、惡魔被縛，不能燒亂。上

※參見《佛說首楞嚴三昧經》卷 2 (CBETA, T15, no. 642, p. 637, b5-6)：

爾時舍利弗白佛言：「世尊！未曾有也，今說首楞嚴三昧，而是**惡魔不來燒亂**。」

十二見縛。(六三七中)

※參見《佛說首楞嚴三昧經》卷 2 (CBETA, T15, no. 642, p. 637, b21-28)：

佛告諸天、龍、神：「汝以是故，當於**十二見縛**而得解脫。何等十二？我見縛、眾生見縛、壽命見縛、人見縛、斷見縛、常見縛、我作見縛、我所見縛、有見縛、無見縛、此彼見縛、諸法見縛，是為十二。汝等當知，若有眾生於佛法中起瞋恨心、欲毀壞者，皆以住是十二見縛。若人信解隨順不逆，於此十二見縛當得解脫。」

魔界行不污菩薩，說無縛無脫。魔諂曲發菩提心。化男與魔眾，誘令發心。

※參見《佛說首楞嚴三昧經》卷 2 (CBETA, T15, no. 642, p. 637, c12-p. 638, c7)。

9、佛說四種授記。(六三九上) 發心情形，可與必定不必定經參考。

※參見《佛說首楞嚴三昧經》卷 2 (CBETA, T15, no. 642, p. 638, c12-p. 639, b11)。

佛界魔界不二(六三九下) 功德

※參見《佛說首楞嚴三昧經》卷 2 (CBETA, T15, no. 642, p. 639, c1-21)：

佛時微笑，口出種種妙色光明，照諸世界，還從頂入。阿難白佛言：「世尊！何因故笑？」

佛告阿難：「汝今見是二百天女，合掌敬禮如來者不？」

「已見。世尊！」

「阿難！是諸天女！已曾於昔五百佛所，深種善根，從是已去，當復供養無數諸佛，過七百阿僧祇劫已，皆得成佛，號曰淨王。阿難！是諸天女命終之後，得轉女身，皆當生於兜率天上，供養奉事彌勒菩薩！」

爾時惡魔聞諸天女得受記已，白佛言：「世尊！我今自於所有眷屬不得自在，以聞說是首楞嚴三昧故，況餘聞者？若人得聞首楞嚴三昧，即得畢定住佛法中。」

爾時天女，以無怯心語惡魔言：「汝勿大愁，我等今者，不出汝界。所以者何？**魔界如即是佛界如，魔界如、佛界如不二不別**，我等不離是如。魔界相即是佛界相，魔界法、佛界法不二不別，我等於此法相不出不過。魔界無有定法可示，佛界亦無定法可示，魔界、佛界不二不別，我等於此法相不出不過。是故當知，一切諸法，無有決定。無決定故，無有眷屬、無非眷屬。」

「示現一切行魔界行，而能不為魔行所汙。與諸天女現相娛樂，而實不受淫欲惡法」(下·六四〇上)

※參見《佛說首楞嚴三昧經》卷 2 (CBETA, T15, no. 642, p. 640, a17-23)：

佛言：「堅意！如汝所說，**今此菩薩住是三昧，能以神力隨意自在示現一切，行魔界行而能不為魔行所汙，與諸天女現相娛樂而實不受淫欲惡法**。是善男子！住首楞嚴三昧，現入魔宮而身不離於佛會。現行魔界遊戲娛樂，而以佛法教化眾生。」

10、得是三昧，三千大千善現一切色身。(重要) 六殊師利問起，(一灯明世界)  
十方無量無邊佛土現身。

※參見《佛說首楞嚴三昧經》卷 2 (CBETA, T15, no. 642, p. 640, b25-p. 641, a16)。

11、四法能信是三昧。羅漢當能信。迦葉說：雖信、雖論而不能得。

※參見《佛說首楞嚴三昧經》卷 2 (CBETA, T15, no. 642, p. 641, a16-b13)。

11、福田：十法行名福田。聲聞有菩薩處，不名福田。

※參見《佛說首楞嚴三昧經》卷 2 (CBETA, T15, no. 642, p. 641, b15-24)：

文殊師利言：「有**十法行，名為福田**。何等為十？住空無相、無願解脫門，而不入法位；見知四諦而不證道果；行八解脫而不捨菩薩行；能起三明而行於三界；能現聲聞形色威儀，而不隨音教從他求法；現辟支佛形色威儀，而以無礙辯才說法；常在禪定而能現行一切諸行；不離正道而現入邪道；深貪染愛而離諸欲一切煩惱；入於涅槃而於生死不壞不捨。有是十法，當知是人真實福田。」

※參見《佛說首楞嚴三昧經》卷 2 (CBETA, T15, no. 642, p. 641, b28-c6)：

須菩提言：「我不於佛諸菩薩中第一福田，佛說我於聲聞、辟支佛中第一福田。堅意！譬如邊地小王亦名為王；若轉輪聖王至於邊地，諸小王等不名為王，爾時唯有轉輪聖王，聖王威德殊妙勝故。堅意！隨有國土、城邑、聚落，無菩薩處，我於其中得為福田；**若有佛處，有大菩薩，我於其中不名福田**。諸菩薩有薩婆若心，是故勝我。」

多聞：聞一而解一切，隨聞而盡能持。阿難不名多聞。

※參見《佛說首楞嚴三昧經》卷 2 (CBETA, T15, no. 642, p. 641, c9-21)：

文殊師利言：「**若人得聞一句之法，即解其中千萬億義，百千萬劫數演解說，智慧辯才不可窮盡，是名多聞**。復次堅意菩薩！若聞十方無量諸佛所說，盡能受持；無有一句先所不聞，凡所聞者皆是先聞；**隨所聞法能持不忘**，為眾生說而無眾生，身與眾生及所說法無有差別。**是名多聞**。」

爾時會中有菩薩天子名淨月藏，作是念：「佛說阿難於多聞中為最第一，如文殊師利所說多聞，阿難今者寧有是不？」作是念已，問阿難言：「如來說汝於多聞中為最第一，汝之多聞，寧如文殊師利所說者不？」

阿難答言：「如文殊師利所說多聞，我無是事。」

12、二百天子菩薩欲退取辟支佛，文殊師利三百六十億世，以辟支來入滅（示現小乘）。乃決心大乘，當得菩薩十力。

※參見《佛說首楞嚴三昧經》卷 2 (CBETA, T15, no. 642, p. 642, a21-p. 643, b3)。

13、名意菩薩問修行是三昧。 彌勒示現三昧。 佛說文殊師利住是三昧，曾作龍種上佛。

※參見《佛說首楞嚴三昧經》卷 2 (CBETA, T15, no. 642, p. 643, b4-p. 644, a24)。

14、如來實壽七百阿僧祇劫。 書寫誦持者，得二十不可思議功德。

※參見《佛說首楞嚴三昧經》卷 2 (CBETA, T15, no. 642, p. 644, c16-p. 645, b7)。

不畢竟滅（下·六四〇中）

※參見《佛說首楞嚴三昧經》卷 2 (CBETA, T15, no. 642, p. 640, b25-c2)：

「堅意！是皆首楞嚴三昧自在神力，菩薩示現入於涅槃，**不畢竟滅**，而於三千大千世界，能現如是自在神力，示現如是諸莊嚴事。堅意！汝觀如來於此四天下轉法輪，餘閻浮提未成佛道，或有閻浮提現入滅度，是名首楞嚴三昧所入法門。」

多為天子、梵王說。 阿閼佛國（上·六三六下）

※參見《佛說首楞嚴三昧經》卷 1 (CBETA, T15, no. 642, p. 636, c26-p. 637, a3)：

爾時佛告堅意菩薩：「是現意天子！從阿閼佛妙喜世界來至於此，是人於彼常說首楞嚴三昧。堅意！一切諸佛無有不說首楞嚴三昧者。堅意！是現意天子於此娑婆世界當得成佛，是人欲斷此五濁惡，取淨佛土教化眾生，修習增長首楞嚴故來至於此。」

示現凡夫行——欲行、魔行、小乘行而安住大乘。

※參見《佛說首楞嚴三昧經》卷 1 (CBETA, T15, no. 642, p. 633, c6-17)：

爾時堅意菩薩白佛言：「未曾有也。世尊！菩薩成就首楞嚴三昧，其所施行不可思議。世尊！若諸菩薩欲行佛行，當學是首楞嚴三昧。何以故？世尊！是菩薩現行一切諸凡夫行，而於其心無貪恚癡。」

於時眾中有大梵王名曰成慈，白佛言：「世尊！若菩薩欲行一切諸凡夫行，當學首楞嚴三昧。何以故？是菩薩現行一切諸凡夫行，而心無有貪恚癡行。」

佛言：「善哉善哉！成慈！如汝所說。若菩薩欲行一切諸凡夫行，當學首楞嚴三昧，不念一切諸所學故。」

※參見《佛說首楞嚴三昧經》卷 2 (CBETA, T15, no. 642, p. 638, c4-7)：

佛言：「如汝所說。惡魔以是三昧福德因緣，及發菩提心因緣故，於未來世，得捨一切魔事、魔行、魔諂曲心、魔衰惱事。從今已後，漸漸當得首楞嚴三昧力，成就佛道。」

大菩薩之方便示現。與佛之方便相啣接。 文殊師利

信行，法行，八人，須陀洹……阿羅漢（下·六四二下） 九大阿羅漢（下·六四三下）

※參見《佛說首楞嚴三昧經》卷 2 (CBETA, T15, no. 642, p. 642, c20-p. 643, a3)：

佛告諸天：「文殊師利法王子住首楞嚴三昧，能作如是希有難事。菩薩住此三昧，為**作信行**，而不隨他信。亦**作法行**，而於法相轉於法輪，不退不失。亦**作八人**，於諸無量阿僧祇劫，為八邪者而行於道。**作須陀洹**，為生死水漂流眾生不入法位。**作斯陀含**，

遍現其身於諸世間。**作阿那含**，亦復來還教化眾生。**作阿羅漢**，亦常精進求學佛法。亦作聲聞，以無礙辯為人說法。作辟支佛，為欲教化因緣眾生，示入涅槃，三昧力故還復出生。諸天子、菩薩住是首楞嚴三昧，皆能遍行諸賢聖行；亦隨其地有所說法，而不住中。」

※參見《佛說首楞嚴三昧經》卷 2 (CBETA, T15, no. 642, p. 643, c10-20)：

「彌勒菩薩即時示現如是神力，名意菩薩及諸眾會，見此三千大千世界諸閻浮提，其中皆是彌勒菩薩！或見在天上；或見在人間；或見出家；或見在家；或見侍佛，皆如阿難；或見智慧第一，如舍利弗；或見神通第一，如目犍連；或見頭陀第一，如大迦葉；或見說法第一，如富樓那；或見樂戒第一，如羅睺羅；或見持律第一，如優波離；或見天眼第一，如阿那律；或見坐禪第一，如離婆多。如是一切諸第一中，皆見彌勒！或見入諸城邑聚落乞食；或見說法；或見坐禪。」